



BOSNIA AND HERZEGOVINA
Ministry for Human Rights and Refugees

Broj: JN-01-16-4-27-4/23
Sarajevo, 07. 09 .2023. godine

Na osnovu člana 64. stav (1) tačka b, člana 70. stav (1), (3) i (6), člana 90. Zakona o javnim nabavkama («Službeni glasnik BiH» broj 39/14 i 59/22), ministar za ljudska prava i izbjeglice Bosne i Hercegovine d o n o s i

ODLUKU
o izboru najpovoljnijeg ponuđača

Član 1.

Dodjeljuje se ugovor za nabavku usluga špedicije ponuđaču MERIDIAN a.d. Banja Luka, sa adresom ulica Branka Perduva bb, Banja Luka u iznosu 5.982,90 KM bez PDV-a, odnosno 7.000,00 KM sa uključenim PDV-om.

Član 2.

Ugovorni organ će sa izabranim ponuđačem MERIDIAN a.d. Banja Luka zaključiti odgovarajući ugovor kojim će se regulisati međusobna prava i obaveze u svezi predmetne nabavke, shodno zahtjevima ugovornog organa i zakonskim propisima. Vrijednost ugovora je 5.982,90 KM bez PDV-a, odnosno 7.000,00 KM sa uključenim PDV-om.

Član 3.

Za izvršenje ove odluke zadužuje se i ovlašćuje Sektor za opšte, pravne i finansijsko-materijalne poslove.

Član 4.

Ova Odluka stupa na snagu danom donošenja, objavit će se na web stranici Ministarstva i dostavlja se ponuđaču putem e-maila i to kako slijedi: meridian@blic.net

O b r a z l o ž e n j e

Na temelju Odluke o pokretanju postupka nabavke usluge špedicije broj: JN-01-16-4-27-1/23 od 29.08.2023. godine, i Zahtjeva za ponudu broj: JN-01-16-4-27-2/23 od 29.08.2023. godine, poslan je Zahtjev za ponudu putem portala javnih nabava prema sljedećim ponuđačima:

1. MERIDAN A.D. BANJA LUKA.
2. INTEREUROPA RTC MEĐUNARODNA ŠPEDICIJA, SKLADIŠTENJE, PRETOVAR I TRANSPORT D.D. SARAJEVO.
3. INTERŠPED D.D. SARAJEVO.

Rok za prijem ponuda: 01.09.2023. godine do 12:00 sati (putem portala javnih nabavki).

Razmatranje ponuda obavljeno je dana 01.09.2023. godine u 12:15 sati u prostorijama Ministarstva za ljudska prava i izbjeglice BiH, Trg BiH 3, Sarajevo.

Dostavljena je jedna ponuda u definiranom roku i to putem portala javnih nabavki:

1. MERIDIAN a.d. Banja Luka

Utvrđeno je sljedeće:

Ponudač MERIDIAN a.d. Banja Luka je putem portala javnih nabavki naveo vrijednost ponude koja iznosi 5.982,90 KM bez PDV-a (nije dostavljena skenirana ponuda).

Aktuelni izvod iz sudskog registra je dostavljen (skeniran), a čiji je datum izdavanja 27.07.2023. godine – dakle datum izdavanja nije stariji od 3 mjeseca.

S obzirom da ponudač MERIDIAN a.d. Banja Luka nije dostavio ponudu u vidu dokumenta koji je skeniran, nego je samo upisana vrijednost ponude na portalu javnih nabavki, dana 04.09.2023. godine je telefonski kontaktirana Savjetodavna pomoć Agencije za javne nabavke na broj 033/251-594. Od strane Savjetodavne pomoći AJN konstatovano je da je navedena ponuda kvalifikovana jer ugovorni organ nije poslao Obrazac za cijenu ponude koju je ponudač obavezan popuniti, potpisati i ovjeriti, a također, radi se o samo jednoj stavci za koju je potrebna cijena, a koja se odnosi na uslugu špedicije. Također, od strane Savjetodavne pomoći AJN je rečeno da se putem portala javnih nabavki ne mora tražiti skenirana ponuda u svim slučajevima, pogotovo ako se radi o slučaju gdje se navodi cijena za samo jednu stavku. Zaključak od strane Savjetodavne pomoći AJN jeste da ugovorni organ može prihvatiti ponudu.

U postupku je ocijenjeno da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine i podzakonskim aktima, a nesporno je da je ispitivanjem tržišta putem pismenog zahtjeva za ponudu utvrđeno da je ponuda odabranog najpovoljnijeg ponuđača prihvatljiva za Ugovorni organ, što je i razlog donošenja odluke iz dispozitiva.

Pouka o pravnom lijeku:

Protiv ove Odluke nije dozvoljena žalba.



Dostaviti:

1. Sektoru za opšte, pravne i finansijsko-materijalne poslove;
2. Ponuđaču (putem e-maila);
3. a/a.